

重脩太平縣志序

太平邑乘舊矣城郭山河塹梁
邨落畝域其經錢糧戶口賦役
驛郵各核其數星宿土宜物產
形勝多紀其畛名宦鄉賢流寓
卒塋各覈其實忠孝節烈習俗

文藝多登其書前人之志綦備
余來守平陽調閱一過亦惟與
尹斯土者脩其教不易其俗齊
其政不易其宜豈敢掃除其迹
而更張之顧已脩之前輯記可
攷既脩之後通變難周其父老

子弟涵濡於

聖人

恩澤之深人物之繁衍月異而
歲不同而風氣亦隆二然日新
而月盛賢有日又導揚善氣以
潤色其間蓋移易之故漸多而
缺畧之文正待補矣李君石圃

李縣志

二


來民和吏肅比戶安堵而居乃
於簿書錢穀之餘慨然續脩縣
志書既成屬余為序余以為欲
闡里之敷靡在禁良以辱惡求
政治之脩舉務登德而選才孝
子義順之未入於前志者猶思

入之今有其人而不旌焉以為
閭里勸乎名儒碩德之未登於
前志者猶欲登之今有其人而
不舉焉以使政治成乎余以不
德守茲土欲以漸摩風俗培養
人材兢兢夙夜懼弗克勝今是

書既成攷獻徵文燈如指掌吾
知縣之恂謹者借以弊勸之或
有未盡醇者亦泛而風勵之於
以化民成俗不難矣小補云乎
於是為序

道光乙酉歲嘉平月

誥授朝議大夫知平陽府事前翰林
院編脩京畿道鑒察御史龔安
王茂松撰



重修太平縣志序

或問修志難乎曰難內城郭外疆圍山川土俗賢聖遺跡舊志具在何難焉夫事不目見耳聞則信之難歷年既久往蹟易湮則知之難而又假聽覩於他人

考校一失實則是非混淆潛德不彰矧總衆事合羣言以為一家有功於既往不替於將來尤難之難者也歲壬午予下車閱舊志詢知曾修於乾隆申未間割劇既竣寢廢不行考其時上

距纂修纔四五十年而已難
如此今殆將百年其難當又何
如耶願念人之苦其難何以謝
先我而為之者予惟時不可緩
事不可辭今年春簿書稍暇以
禮敦請邑紳之賢而才學行素

太平縣志

序


二

乎於衆者與之往復商確銳意
刊修廼開志局儲器具丐宗昆
友範司其經費竭廉俸之餘供
飲饌筆札之需網羅搜討採輯
輟事折衷舊聞不溢不漏必求
至當蓋志成此書已三年矣而

諸君子亦皆朝夕其中殫心力
屬事辭不憚煩瘁于是略變前
書體例共成十六卷分為八冊
缺者補之紊者次之百年來之
當入志者備載之矢公矢慎越
十閱月始克蕙事甚矣其難也

聞之先正有言凡志成必讓其
鄉先生之齒尊而有文者序之
否則官于其地者而今諸先生
文優於予其于是書也又有功
乃獨以是讓予俾不獲辭因述
其所以難以告後之有志續承

者
道光五年歲次乙酉仲冬月既
望知太平縣事北平李炳彥謨



太平縣志

凡例

一太平志創於前明嘉靖丙寅萬曆乙未邑紳王中丞體復立志草分爲八門知縣劉公民望授之梓

國朝康熙癸丑壬戌間相繼重修

其書罕存

五十七年己亥知縣張公學都

邑紳王御史奠曾臧太史爾心等再修一次雍正三年乙巳知

縣劉公崇元刻行之亦分爲八門乾隆四十一年乙未知縣張

公鍾秀又修一次增爲十門

署無藏板書未通行

今次纂輯爰擇大典攸

關名目難混者畧仿通志及府志之例分爲十六門各子目附

太平縣志

凡例

其下非欲踵事而增寔求體例有協

一輿地首紀星野地統於天也分野之說愈推愈詳查實沉爲晉

次舍參爲晉分星第平陽居晉一偏太平又居平陽一偏必欲

指其度數抄忽不失邈乎難矣茲特博採羣書及府志舊志考

核詳明者備悉登載而以氣候附焉至物產舊歸田賦茲收入

輿地取地道滋生之義

一建置門舊志缺坊表一條查

國家設立旌表原屬激揚大典而鄉會試中式又俱例給建坊銀兩

以及舊蹟所存人心所向風聲之樹胥在是焉故各州縣志每

多不廢茲特取有徵可信者採登數條庶幾畧存崖畧

一古者量地制邑度地居民周官比閭族黨有相保相救相賙相

賓之義意至美也太平幅員五十里許計鄉有四坊廂有五里

大小二十有二村新舊一百八十有六綦布星羅與疆域山川

相表裏舊志列入建置殊失區別昔李穆堂修臨川志特立都

圖茲仿其例另立坊里一門俾一邑之大在城在鄉瞭如指掌

一學校為風化之本典制攸隆向來舊志俱列建置與城池街道

一例未免輕重失當茲特立專門首廟制次祀典

樂器樂舞樂章祭儀俱備

次學宮及歷年增置修葺之由分暫備載而以書院義學附其

太平縣志

凡例

二

後并於卷首恭錄

欽頒臥碑及

御製訓飭士子文歷年

奏准條規示學者知所警焉

一典禮如迎春救護俱屬敬天勤民之事關係甚重至耕藉賓興

鄉飲見於周官儀禮王制等書均古禮之大者茲亦特立專門

詳細登載而於鄉飲酒禮

御製笙詩樂章亦俱恭錄其中以俟博古者稽考焉

一則壤成賦原屬惟正之供太平地狹人密戶口殷繁凡貢賦科

則征徭利弊其間因革損益俱爲民生休戚所係我
聖朝輕徭薄賦官設養廉以及停止編審丁歸糧納其後滋生人口永
不加賦百餘年來蠲錢糧免民欠善政稠疊沐恩咏勤矣茲俱
詳考備書以示不忘

一古者寓兵於農後世兵與農分立政曰詰爾戎兵蓋武備不可
一日不講也太平在府城西南九十里自雍正八年設有駐防
外委凡營兵營器皆資防衛舖舍驛遞均與武備有柝爲維持
之勢茲特詳考其制并以武職姓名籍貫列兵防一條用昭

聖朝文武兼重兵民相衛至意

太平縣志

凡例

三

一選舉志制科及恩拔副歲優貢生尚已例貢在各舊志俱已登
載職銜一條太平與他邑較殊有奉

旨賞給者有軍功議叙者有由舉人廩增附監生捐者名同而實不同
今按照品級俱採錄於仕籍之後至捐請

封典無論若何品級總以誥勅爲準所以重

皇恩展孝思也

一人物例取名實相符方可信今傳後除舊志所收無容刪削外
其新增者必定有嘉言懿行昭昭在人耳目或由族黨舉報或
屬公同採訪輿論允孚方爲續入第忠義孝弟蓋棺始可論定

若其人現在雖有至行概所不錄請以俟後之修志者
一列女一條舊志俱入人物殊與體裁不合茲另立列女一門首
節孝次節烈次貞烈除業已旌表按次詳叙外其有苦志冰操
與例相符宗族鄉黨無間言者俱照例登載至遭際平安而治
家訓子母儀可風更立賢淑一條以見閨閫有隱德固不必盡
以節見也
一藝文貴精不貴多凡碑版流傳名賢題咏有關於地方政事風
俗人物者始行採擇若其人現在縱佳文佳詩膾炙人口恐不
免於晚年改訂概從割愛

太平縣志

凡例

四

一古蹟舊志列在卷八府志列在卷三十一各州縣志亦有前後
不等者查形勝雖爲一邑壯觀然古者在德不在險至陵墓寺
觀動懷古之思供選勝之遊亦志所不可廢較之學校典禮秩
祀等志則有間矣茲列於後從府志也

一記載期於傳信非以逞才炫博舊志於每篇首有總引各子目
首有小引他邑志亦多類然茲仍遵其例務求簡要而職官與
列女則各子目小引俱畧以大意已具於總引中也至選舉人
物二門則各子目改引爲跋非故變體例亦以示景仰前徽之
意云

一舊志所載凡有關於一縣者或稱太邑或云平邑查太邑則與太原太谷等縣無分平邑又與平遙平陸等縣相合均於義未晰今次纂輯俱全寫太平二字以從實也

一府志與通志不同縣志又與府志不同諸所登載理宜詳悉不得徒以簡要爲高故選舉人物諸門不得不遵照舊志善善從長况歷年久遠每難搜羅僻處窮鄉尤易湮沒遺漏之失恐所不免今自設局開雕務期採訪確實斟酌公平以仰副

聖朝漸仁摩義久道化成之意

太平縣志

修志銜名

監修

平陽府知府 王茂松

纂修

太平縣知縣 李炳彥

參閱

太平縣教諭 張雲裔

太平縣訓導 閻士驤

太平縣志

修志銜名

校訂

太平縣典史 邵渠

太平縣史村驛丞 包錫培

監造

順天寧河縣太學生 李允師

編輯

原任江西樂安縣知縣署寧都直隸州知州梁棲鸞

分修

候補訓導 劉常業

舉 人 丁溪賢

舉 人 張鵬南

按察司經歷附貢生 賈葆純

原任絳州聞喜縣教諭 盧建極

原任汾州府介休縣訓導 郭象賢

副貢生 郭汝楫

舉 人 郭依庸

附貢生 鄭蘭馨

舉 人 張金德

太平縣志 修志銜名

舉 人 張雲從

舉 人 劉純嘏

舉 人 王善繼

解 元 張鴻舉

拔貢生 常夢蘭

舉 人 張庚午

附貢生 柴 煒

舉 人 張 忻

舉 人 王樂善

舉

人

張甲寅

舉

人

張佐清

舉

人

李天隲

恩

貢

生

魯清藩

舉

人

高日午

舉

人

柴蘭馨

舊志纂修姓氏

明嘉靖丙寅年

知縣羅潮 邑人張檢身 李養恕

萬曆乙未年

知縣劉民望 邑人王體復 楊天民 郭萬里

張俊善 劉國泰

國朝康熙癸丑年

知縣何煒然 邑人李宏敏 王錫韓 王宏茂 王履沆

韓荆識 衛公靖 郭才府 曹寅亮

太平縣志

習志銜名

四

康熙壬戌年

知縣吳軫 邑人張枚 王燮曾

康熙己亥年

知縣張學都 邑人王奐曾 臧爾心 張枚 張宿爨

雍正乙巳年

知縣劉崇元 邑人張枚